

序

大江以南自天童密雲老和尚建立大法幢以來墮
 地獅兒擺脫羶鎖自在遊行者風馳電掣輩出爭光
 同視明代萬曆初年前早已另闢一佛法乾坤眼底
 祖道全彰活現滄桑世界當破山和尚向金剛擔取
 衣鉢時尙是金牛五丁新開蜀道景象而不慧之乘
 周邊樣上支機石者固已久封混沌矣和尚號從破
 頭山得地而號名仍初維染際派前之以志原原本
 本也已逮壬申間東塔一番鑪鑪始得落草盤桓
 甫畢千日之期旋應銅梁張大金童之請自此留岳
 波那

波山月單市音錄敘

後述

石山日永自言金

大峨遙歸故鄉之錦萬峯中夢坐展曹溪之具而鳳
 山棲靈而祥符無際而蟠龍佛閣自浙還蜀歷癸酉
 迄壬午九建刹竿集檀信之飯依膺

蜀王之隆供龍象與峨眉月齊輝捧喝與曹源俱振是
 謂花開樹李果熟蠶叢五葉西來一枝西去滴滴臨
 濟之幹孫奕奕天童之肖子矣亡何而十方虛空悉
 皆銷殞亡何而刀割香塗了無有二從上佛法中無
 義語翻作世法中實事會當甲申蜀變以來胡現漢
 現白及春風在和尙分中七嬰險難口當一頓家常
 茶飯耳金城卓杖引領再來庶幾婆心切罽垂手爲

難別堂頭告余天童衣鉢正在破山歸而求之何用
他覓自媿道念不切三上九到遠遜古人年來屢向
萬峯巖通消息然浮沉者半今年春師開堂江安解
制抵叙一見之後真如象王回顧野干却走又如眞
大火聚直是近傍不得然師垂手爲人婆心切眾棒
頭有眼惟接上根古人云我若一向舉揚宗教法堂
前草深一丈癡頑眷屬可痛可悲匪獨癡頑已也狂
波一浪謗言叢起老胡絕望之日果將至矣昔周金
剛擔青龍疏鈔出蜀直謂南方盡爲魔子及至親到
龍潭遂將疏鈔焚却夾山出世止堂只因道吾一笑

緣畢願從此紫栢院中側理輕編又放一層寶光矣
世出世間紙墨生涯疊床充棟未免被胡闍氏笑人
獨此入泥入水無邊心力圓成非比等閒公案明眼
自能勘取

順治丙申長至月望國子監司業兼掌祭酒事前戊
辰二甲進士工部虞衡司郎中大理寺左寺副
曹溪憨祖弟子福徵道一居士譚貞默槃譚撰

人復見一番威音王那畔作畧、文雪醉上座之間、關
跋涉而至冷灰豆爆、其先聲也、東西法會語錄云、二
十一卷、眼筋舌骨、喝月掣雲、絕無半點文字、語言氣
息、盡代超羣、實爲希有、而醉上座、感激法乳、淵源珍
惜、佛祖慧命、受天童掃塔之重寄、越嶺關河、洛之長
途、抵茲吳越、大機緣、昔之掇拾壽梓於蜀之梁山
萬峰者、今且奉持重梓於利之白苧、新菴萬里、宸風
三冬立雪、滴水滴凍、成始成終、醉上座其人、也而新
菴靜主、清白常公、無忘東塔典故、親侍勝因、殫力將
事、可謂同心同德、更得超伯孫居士、以夙契面承、倡

撰述

梁山別處語錄

三

惟臨濟兒孫、寢昌寢盛、三十四傳、至今現在
天童、惺惺傳今

破山明、此皆祖祖相傳、以心印心、正法眼藏、不至斷

滅、破山師、蜀產也、十九受具、遍參諸方、一時大老如

博山、瓶罋輩、收拾不住、走入天童、兩手交付、開堂東

塔、惑亂人天、馬祖、昭覺、勤之流、莫之或先、會銅梁

張大金、五欲修建巴岳山、特請師歸蜀、是時師亦動

大我、鷲中瓦屋之興、境風吹至梁山萬峯、不覺十載、

不佞昔年奉差金陵、遇南中士大夫、結社濟生、幸有

夙緣、叨與同參、後因王程期迫、依

序

世尊說法四十九年末後拈花迦葉微笑世尊曰吾
以清淨法眼涅槃妙心實相無相微妙正法將付於
汝汝當護持更勅阿難副貳傳化無令斷絕教外別
傳肇端於此自迦葉後二十八傳至菩提達磨是爲
西天四七達磨與震旦有緣航海而來單傳直指六
傳至慧能是爲東土二三祖門下有南嶽讓禪青原
思兩派南嶽出焉仰宗臨濟宗雲門宗法眼宗青原
出曹洞宗一花五葉於茲益益驗傳至於今法眼一宗
流行高麗雲門滙仰若滅若沒曹洞一宗不絕如縷

撰述

破口即前自語錄

1

遂散眾東裝直造船子從上宗師未有不知非便捨
執言我得我會偏偏到底者就不佞耳目所見現今
破師覲面龍潭船子現在目前而居然自號有名知
識不肯死心參訪者幾幾乎趾相錯於道又不得不
笑周金剛夾山輩不善用霸道眞笨貨也從今以後
惟願大地眾生凡有緣得見破山師或見破山師語
錄者作未會有想作難遇想作祖祖相傳以心印心
濃滴滴眞血脉想作正法眼藏不至斷絕想不佞雖
繫籍祖師門下然藍氎絀不與天下自號有名知
識搶行奪市亦不掛龐道玄裴公美張無盡扁額直

憑破師打則任打罵則任罵惟日拈香一瓣之口頂
禮以表不相辜負一等毒氣云爾
崇禎十五年壬午佛生日吏部尙書郎前紫微舍人
今甚菩薩戒弟子古戎郡秉素牟道行薰沐拜書於無
師社中

掘地

石山田前自書卷

五

世間有條逼直路只許自來自往不許共來共往纔
詢津要便落泥坑認得真時最防轉首直則步到
家轉則千歧萬派沿途巉巖黑風迷目性命張皇不
爲魔欺亦被佛奪我生不幸被經書把我賣在孔夫
子家半生辛苦出門遇着這魔唆我入玄門賣與老
君家剛未抽身又被如來拐去認賊作媒依佞爲父
中途又被祖師攝來到金粟被密雲老賊一掌回到
西湖有醒年來歸家耕種頗不犯人未苗今年偶到
剡水又遇破山賊孫密雲子知我心未穩在將密果

撰述

子鈞我生同密雲奪我枕子幾番欲獲枕子脚跟移
動幸得覽蘇長公三過堂帖猛然汗流嗟乎只因妄
認弟兄攔成仇口這廝原是孔子釋迦老子那一夥
邊這事不可商量商量便錯是謂逼直路偈曰骷髏
劈碎法塵灰喝退三千了不回執把剛刀誅溷沌憑
他魔佛叫哀哀

中

明崇禎己巳歲膽山弟子李瓌敬書於嘉禾環珞書堂

目錄

第一卷

序文二

上堂

第二卷

上堂

第三卷

上堂

第四卷

上堂

第五卷

上堂

第六卷

小叅

入堂

開示

第七卷

晚叅

茶話

對靈小叅

示眾

(規約)

第八卷

機緣

第九卷

法語上

第十卷

法語中

第十一卷

法語下

第十二卷

拈古 頌古 牧牛頌 聯芳偈

第十三卷

書問

第十四卷

題贊

第十五卷

示偈一

第十六卷

示偈二

第十七卷

自贊

第十八卷

雜偈

第十九卷

第二十卷

雜偈 佛事歌 疏序 銘 跋

第二十一卷


行實 行狀 塔銘 塔銘 壙碑 雙桂

堂四界碑

年譜

RW11/1273/9

破山禪師語錄



01275

01275

破山明禪師語錄卷一

鄴州嗣法門人印六等編
雙桂嗣法門人印綬閱訂
平山擇木侍者傳秘錄

上堂

住嘉興府東埭廣福禪寺師在若谿福山受請出禪
二年八月一日入院至佛殿以坐具拂一拂云八字
打開當陽拋出坐斷報化佛頭底人正好不向佛求
不向法求不向僧求常禮如是便拜
伽藍堂云前三後二三俱在者裏弘護今日被山

僧一瓣香觸碎鼻孔莫恠山僧粗糲

祖堂云一棗開五葉至今狼籍不少更要起模倣樣
作麼出眾請陞座拈香云此瓣香秉兩儀之氣借四
序之威幾經霜雪幾受風塵信手拈來專申供養
西天東土歷代祖師惟冀廣長舌徧大千爛折蘆撐
巨海次拈香云此瓣香喫盡國王水土養成一肚豪
氣放之則彌六合卷之退藏於密誓同爐中恭爲

今上皇帝祝嘏聖壽萬歲萬歲萬歲又拈香云此
瓣香奉爲闡朝文武天下官僚本山請主護法現前
大眾惟冀同明般若共證菩提復拈香云此瓣香五

分熏成八法煉就不可以知知不可以識識信手拈

來供養雲門堂上散木大師用酬戒法之恩再拈香云此瓣香斧斫不開刀劈不破一任風吹雨打遂成

乾屎橛撞著忤逆兒孫不解拍出熱向爐中供養見

住金粟山廣慧禪寺傳曹溪正脉二十四世密雲本

師大和尚用酬法乳之恩歛衣坐云香已拈了更要

山僧說個甚麼和石孫居士率眾稽首請開不師云

山僧素志本欲深棲嚴竇隱跡過時不意撞影鐵面

皮居士善且辣手慣會拏雲將山僧拽入者保社開

張臭口說幾句燥脾胃話以光法門山僧自揣愚劣

不會打葛藤只好舉則古人在院因緣以塞來命昔

日圓通誦禪師入院云圓通不開生藥鋪單單只賣

死貓頭不知那個無思筭喫著通身冷汗流者老漢

住院還有個死貓兒頭賣弄腥羶遂引蒼蠅成群作

隊山僧今日到院也無死貓頭賣亦無生藥鋪開以

兩手作擎瓶勢云單單只有者個大眾且道者個是

甚麼眾無對師高聲云曹山好顛酒偈云破山喫著

曹山酒醉得通身俱是口瞎禿光兒罵上天又來拈

棒打顛狗山僧恁麼告報非是壓良爲賤抑且法爾

如然未審眾中還有傍不甘底衲僧麼出來相見如

無更與諸人重下註腳去也。驀拈拄杖卓一卓云：還知麼？知則途中受用，不知則世諦流布。喝一喝下座。開爐上堂，去凡嚴居士問：大悲千隻手，那隻是正手？師云：四稜著地。進云：大悲千隻眼，那隻是正眼？師云：八面玲瓏。云：手眼不勞重舉，似單傳意，旨是如何？師震威一喝。進云：是則雙手劈開生死路，一眼戲破是非關。便拜。師便打。進云：瞎。師云：瞎。乃云：新開爐鞴，辣鉗鎚，正打傍敲，打下隨。本是幾團零落鐵，一回入火，一回奇。大眾還有一回奇底也未？一僧出喝一喝。師云：好喝。僧無語。師云：此奇未足盡善。看木上座爲撰述。

石山明禪師語錄卷一

三

汝諸人弄奇去也。以拄杖擲地，復鼓掌呵呵云：也大奇也大奇。

當去

孫弘祐弘福爲先祖。簡肅孫公請陞座。師云：一念普觀無量劫，非去非來亦非住。如是了知三世事，超諸方便成十力。以拄杖卓一卓喝一喝云：也甚奇。恁山僧造才舉首上場詩，引得尙書孫公跳上山僧拄杖頭上。現大人相出廣長舌道。山僧眼花不少。被山僧一喝，依然向山僧拄杖頭邊默默隱去。山僧所見如是。未審諸人同見也。無若也。同見便見三世諸佛。歷代祖師，并及人人生身父母，歷劫宗親，全體如是來。

全體如是去全體如是住其或未然更聽山僧與尙
書安靈題額去也以拄杖劃一劃云昔日君王爲柱

石今朝佛法作金湯

上堂云天得一以清地得一以寧君王得一天下太
平衲僧得一海眾雲臻雖然總之是一爭奈縑素兮
縑不素未是輓芥投針大眾正恁麼時如何是針芥
相投句龍得水時添意氣虎逢山處長威靈

上堂云今朝正值臘月八釋迦原是小悉達經行忽
地面仰天撞著明星刺眼睛阿耶阿耶相救相救驀

拈拄杖卓一卓云幸爾還有者個在不然終是扶籬
傍壁漢

金粟專使送法衣至上堂云大庾嶺頭提不起鷄足
山前成滯貨衲僧今日獲一披如雲普覆華王座大
衆記取三十年後切忌不可動著何也動著則禍生
望日上堂云天上月正圓人間道月半撞著閻羅王
便把飯錢筭咄休打筭且待山僧細細與你從頭判
天上月正圓陝府鐵牛頭角攢人間道月半嘉州大
象皮毛換撞著閻羅王大蟲被犬傷便把飯錢筭兩
個五百是一貫不管三七念二五十一挨排筭到

臘月二十日稱筭得一半設或完全直待驢年喝一

喝卓拄杖下座

元日上堂僧問今朝新年頭百草頭上蚤已露公案
舊時底春風花草滿園香請問如何是不涉新舊一

句師豎拂子云是新是舊進云密密無踪跡相逢喜
帶顏師云閑言語乃云爆竹一聲蒼天兩字草木昆

蟲全彰意氣柳眼掩不價之金梅梢吐不瑕之玉龍
兒鳳子齊歌舜德堯仁癩狗泥猪同和祖風佛日導

群情而越死超生普萬有而豐衣足食當恁麼時還
有不威而嚴無爲而化者麼良久云東風吹出林間

公爲得遊蜂喚舊新

元宵上堂云今朝正月十五處處敲鑼擂鼓將謂移
宮爲樂誰知纔樂爲苦一念此界他方却被風隔雨

世放出鐵鷲流星打殺街頭石虎引得彌勒呵呵笑
到日輪當午大衆且道他笑個甚麼心生大懽喜自

知作佛祖

辟制上堂云東風解凍百草萌芽行脚衲僧如麻似
米拖泥帶水兮草鞋獐似虎溷俗和光兮拄杖活如

龍向有佛處不可住無佛處急走過方稱英俊衲家
功不可向萬里無寸草處去虛度生涯大衆且如山

者豪尤旬白足三月調心今日解制臨行慶賞一

作麼生道摘楊花摘楊花

誕日上堂云山僧所患腹瀉撒屎不成屎概將此
汚諸人諸人鼻孔未徹徹不徹一條白棒當頭楔
然怎奈事無一向今是釋迦老人降誕之辰不無
要應個時節大衆且道應時及節一句作麼生道
打破浪在衆鼓掌作聲師卓拄杖云還要第二杓惡

麼

上堂云昔日龐居士將百萬家財一時傾向湘江逢
人便會誇經賣經道不與萬法爲侶者真是麼人何

如我存曾丘公也不一時恁麼漸漸破慳囊捨資帛
寧不出龐老一頭地也是則也似似則未是何也怎
奈同途不同轍大衆且道那裏是他同途不同轍處
試簡點看簡點得出琉璃殿上騎金馬明月堂前鞦
綉毬其或未然荆棘林中下脚易月明簾外轉身難
丘宅送銅鍋至師上堂云存曾丘方伯不識好惡布
施一口大鍋子要山僧煮鐵釘飯炊木渣羹供養盡
大地人個個張口咬嚼著也未所以終日穿衣不曾
掛著一縷紗終日喫飯不曾咬著一粒米山僧今日
開此無遮大會豈肯私瞞普欲是天是人足僧是俗

又此食者盡教同福同壽同證同得功超五果行超二賢未如是者且向碗底飭頭豁開兩眼切莫瞌睡

村木渣羹鐵釘飯細細咬嚼看是甚麼滋味叅

玉居士誕日請陞座師云時當毒熱渾如火逼得通身白汗流只爲諸人不肯薦山僧特地一場愁咄愁箇甚麼莫是衣不足身食不足口麼然衣不足身不蚕而衣者有也食不足口不耕而食者有也但世間名利富貴榮辱種種亦復如是何足致愁山僧所愁不愁別事單單只愁生死交謝寒暑迭遷有物流動捨死趣生捨生趣死如旋火輪無有休息所以愁耳

玉喜今日金居士誕期營齋供衆強山僧舉揚只得因齋慶讚然居士本意惟求壽命比南山福德如東得雖然如是不若將此馳求之心用在生死際頭行也如是求住也如是求坐也如是求臥也如是求求來際不曾增盡未來際不曾減盡未來際不曾生天來際不曾滅淨裸裸絕承當赤灑灑無回互慕盡未來際不曾拈拄杖卓一卓云還委悉麼體取本來堅密身永證金剛無量壽

上堂云昨日盆湏大雨今朝泉日麗天連累人夜在